

**Zeitschrift:** Annalas da la Societad Retorumantscha

**Herausgeber:** Societad Retorumantscha

**Band:** 98 (1985)

**Artikel:** Rapport da laver 1984 : (sincronisà cun il program da laver 1984)

**Autor:** [s.n.]

**DOI:** <https://doi.org/10.5169/seals-235029>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 19.07.2025

**ETH-Bibliothek Zürich, E-Periodica, <https://www.e-periodica.ch>**

## *5. Post da translaziuns*

Coordinaziun:	Rita Uffer, Cuira/Savognin
Collavuraturas:	Emilia Alig-Schaniel, Domat/Vrin (parzialmain) Ladina Parli, Turitg/San Murezzan (parzialmain)
	Annalis Schaniel, Alvaschagn/Tinizong (parzialmain)

## *6. Post da teater*

Responsabel:	Gian Gianotti, Cuira/Sent (parzialmain)
Collavuraturas:	Annamieke Buob, La Punt-Chamues-ch (parzialmain)
	Marco Gieriet, Domat (parzialmain)

## *7. Scolina rumantscha a Cuira*

Mussadras:	Annatina Campell, Cuira/Cinuos-chel Dorina Item, Cuira/Flem
Transport:	Heinrich Bär, Cuira (parzialmain)

## *8. Collavuraturs regiunals (a partir 1-9-1984)*

Romania:	Carli Scherrer, Trun
Uniun dals Grischs:	Jacques Guidon, Zernez
Renania:	Bartolomeo Tscharner
Uniung Rumantscha da Surmeir:	Reto Capeder, Savognin

# Rapport da laver 1984

(Sincronisà cun il program da laver 1984)

La suprastanza ha salvà 20 sedutas cun 197 tractandas. Il cussegl è sa radunà per las 2 sedutas ordinarias. Cun ils parsuras da las uniuns regionalas han gi lieu pliras discussiuns.

## 1. Uniuns affiliadas / Collavuraturs regiunals

1984 han las societads affiliadas retschavì per l'emprima giada las contribuziuns augmentadas tenor l'instanza a la Confederaziun dal 1980. Davart l'impundament da queste meds mira ils rapports da las singulas uniuns. Per acziuns spezialas ha be la URS dumandà in sustegn per ina derasaziun da la PdS (Pagina da Surmeir) en l'entira Val d'Alvra. Cun l'entschatta da settember èn ils collavuraturs regiunals entrads en uffizi. Durant in'emna (3–7 settember) èn els veginids introducids en lur lavur cun referats da persunas cumpetentas per l'organisaziun, il teater, la scolaziun da crescids, il barat da classas, l'animaziun culturala. Per part han era ils presidents da las uniuns regiunalas prendì part a questas discussiuns. Ils rapports cun ils collavuraturs regiunals han lieu per regla ina giada il mais per discutar plans e resultats da lur lavur e per il barat d'opiniuns (cf. rapport collavuraturs regiunals). Per ina instanza a la Regenza davart l'adiever dals meds federales en ils mauns dal chantun han las uniuns regiunalas e la Societad retorumantscha inoltrà dumondas a la LR!

## 2. Scolaziun e furmaziun

### 2.1 *Scolinas*

Ils 31–3–1984 ha la LR – ensemens cun la Centrala chantunala da dunnas – clamà ils purtaders da scolinas per ina dieta davart l'organisaziun da la scolina (reglements da servetsch, reglements da scolina, materialias da lavur, cussegliaziun e. a.). Quella dieta, averta per tuts traiss linguatgs grischuns, è stada frequentada da passa 150 persunas.

La suprastanza ha elavurà directivas per la cussegliaziun dal linguatg en scolina. En las quatter regiuns rumantschas veginan engaschadas en il decurs dal 1985 cussegliadras per lavur temporara e punctuala en las scolinas. – Cun la nova lescha chantunala da scolina crodan era las contribuziuns regularas per las scolinas en las regiuns. Ils meds veginan investids da nov per la preparaziun da materialias da lavur, per las cussegliadras e per sustegns spezialas a scolinas al cunfin da linguatg. – Per la scolaziun supplementara da las mussadras collavura la LR cun la CMR e cun il seminari da mussadras chantunali. – Per las scolinas en Chasa rumantscha cun funcziun da scolinas d'exercizi paja il chantun da nov ina contribuziun da  $2 \times 2\,000$ .-- francs.

## *2.2 Scolas fundamentalas tudestgas*

Ils medis d'instrucziun «Rumantsch en scola» èn per part ussa er avant maun en surmiran e puter. Els han bun esit en las scolas davent da Glion fin a Cuira. – Cun exponents dad Alvagni, cun il cussegl da scola da Razèn, cun ina grappa d'acziun da Domat, cun scolasts a Cuira ed exponents da Bravuogn è la situaziun dal rumantsch en las scolas da quellas vischnancas vegnida discutada e novas pussaivladads èn vegnidias tschertgadas. La LR vul s'engaschar per quels e sumegliants lieus per in tip da scola biling. A Cuira han 108 scolars frequentà en 13 gruppas l'instrucziun facultativa da rumantsch.

## *2.3 Scolas fundamentalas rumantschas*

Il chantun ha acceptà da la LR l'impuls per la preparaziun ed edizion d'ina «Grammatica romontscha sursilvana» ed ha surdà las incumbensas. La revisiun da las «Normas surmiranas» è terminada. La LR dumonda il chantun Grischun da supreender ed edir quest manual per las scolas surmiranas. – Concernent il barat da classas tranter las regiuns rumantschas ha la LR elavurà ensemen cun il Post svizzer per il barat da classas las directivas necessarias. Il collavuratur Reto Capeder ha l'incumbensa speziala da perseguitar questa dumonda ed instradar barats. La LR ha concedì in sustegn per in barat dal Preseminari ladin cun ina scola cumparegliabla ad Ortisei (Val Gardeina).

## *2.4 Scolas professiunalas*

Il postulat da la LR per in «obligatori miaivel» ha già success en las scolas professiunalas da Samedan, nua ch'il rumantsch ha ussa ina posiziun reglada. A Cuira sa preschentan difficultads cun la furmazion da classas rumantschas, tuttina frequentan era a Cuira passa 100 scolars in'ura da rumantsch en pliras classas. – Ensemen cun l'entruidament da professiun en Surselva èn vegnidias realisadas cassettas rumantschas per la preschentaziun da professiuns. – Cun il Plantahof han già lieu discussiuns per instituzionalisar l'instrucziun da rumantsch al Plantahof. Il directur dal Plantahof ha preschentà l'idea dad incumbensar in magister

che s'occupescha regularmain cun la dumonda dal rumantsch a la sco-la Plantahof en in senn pli vast.

## *2.5 Scolas medias e scolas autas*

Gion Deplazes ha surdà a la LR ina emprima part da l'istorgia da la litteratura rumantscha per scolas medias. Quella è vegnida preschentada a chaschun da la dieta dals magisters da rumantsch en scolas medias a Samedan. Suenter ina consultaziun dals magisters vegnan las parts da decleraziun da questa istorgia da litteratura translatadas per ina fasa d'emprova en rumantsch grischun, ils texts originals restan dentant en lur furma idiomatica. – En cunvegna cun ils magisters da scola media ed il center svizzer per la perfecziun dals scolasts da scola media a Lucerna surdat la LR a la conferenza dals scolasts l'organisaziun da la dieta annuala da quels magisters, organisada dapi il 1980 directamain da la LR. – Las demarschas da la LR dals davos onns tar las instanzas cumpetentas per rinforzar la posiziun dal rumantsch a las universitads porta success: A la scola politecnica a Turitg vegn installà ina mesa professura da rumantsch ensemble cun l'universidad da Turitg. L'universidad da Fribourg engascha in assistent stabel per la retoromanistica; a la scola auta da Son Gagl vegnan offridas lecziuns en rumantsch. – Il seminari chantunal da magisters ha incumbensà ina cumissiun da sclerir las pus-saivladads per l'instrucziun da rumantsch per na-rumantschs sco rom d'instrucziun obligatori da la 1.–3. classa.

## *2.6 Scolaziun da creschids*

L'organisaziun da la scolaziun da creschids en las regiuns duess vegnir sistematisada. La LR è daventada commembra da l'Associaziun svizra per scolas autas popularas. A basa dals concepts da quella associaziun ed en collavuraziun cun las uniuns regionalas e lur collavuratur prepara la LR in concept per la scolaziun da creschids en las regiuns. Previsa fiss la realisaziun da secziuns da l'Associaziun svizra per scolas autas popularas en las regiuns rumantschas. L'onn da rapport ha la LR sostegni ils curs organisads autonomamain en las regiuns sco fin ussa e ha scuntrà quint cun il chantun Grischun a basa da la lescha chantunala da

scola da perfecziun. In da plirs curs organisà en Engiadina bassa n'ha per motivs dad unilateralitat betg pudì vegnir sustegni.

### *2.7 Curs da perfecziunament en rumantsch*

A Rueun, Riom e Zernez ha la LR organisà per chanzlists ed uffiziants rumantschs in mez di da laver cun il tema: Rumantsch grischun. Las occurrentzas èn stadas frequentadas fitg bain. Da differenta vart vegnan pretendids curs spezials per chanzlists e funcziunaris cun la tematica «Correspundenza rumantscha» e terminologia administrativ-giuridica.

## 3. Assimilaziun

### *Curs d'assimilaziun da la Lia Rumantscha*

en collavuraziun cun differentas instituziuns ed autoritads communalas e regionalas\*

Alvaschagn	1 curs	9 participants
Baiva	1 curs	13 participants
Bever	3 curs	33 participants
Bravuogn	2 curs	17 participants
Breil	1 curs	7 participants
Danis	1 curs	4 participants
Domat-Ems	8 curs	68 participants
Flem	1 curs	7 participants
Glion	5 curs	38 participants
Lai	1 curs	14 participants
Lantsch	2 curs	11 participants
La Punt	5 curs	57 participants
Mulegns	2 curs	25 participants
Mustér	2 curs	15 participants
Puntraschigna	5 curs	49 participants
Razén	1 curs	14 participants
Rueras	2 curs	18 participants

Salouf	1 curs	7 participants
Samedan	7 curs	92 participants
Savognin	4 curs	44 participants
Sur	1 curs	11 participants
Schluein	1 curs	7 participants
San Murezzan	5 curs	59 participants
Trin	1 curs	5 participants
Trun	1 curs	7 participants
Tschierv	2 curs	25 participants
Vella	1 curs	14 participants
Zernez	2 curs	21 participants
Ziràn	2 curs	21 participants
Zuoz	2 curs	13 participants
Total	73 curs cun	725 participants

### Curs a Cuira

Total	18 curs cun	175 participants
	11 curs sursilvans	
	2 curs ladins	
	1 curs surmiran e 4 curs RG	

\* Singulas vischnancas ed organisaziuns organiseschan er curs en atgna reschia (p. ex. Laax, La Chesa Planta, Fundaziun Retoromana).

Ils collavuraturs regionalis gidan a rinforzar las stentas per ils curs d'assimilaziun. En gruppas pitschnas èn era vegnids realisads curs da rumantsch per mammas da linguatg tudestg. La rait da curs po be vegnir mantegnida cun il sustegn da las vischnancas rumantschas per l'organisaziun che mettan a disposiziun gratuitamain las localitads da curs. Deplorablamain nun èsi reussì da motivar ils meds electronics rumantschs da realisar in curs da linguatg. Era la pressa rumantscha renda pitschna attenziun a questa dumonda. – Per l'organisaziun e realisaziun dals curs ha la suprastanza decidì il sequent nov regulativ.

*Regulativ per ils curs d'assimilaziun/integrazion linguistica*

1. *L'organisaziun* succeda directamain tras la LR u tras ils collavuraturs regionals, tras uniuns regiunalas, vischnancas, autres uniuns.
2. La LR
  - procura per meds d'instrucziun
  - paja ils scolasts
  - incassa (sur ils organisaturs, resp. scolasts) il daner da curs
3. In curs dura 8 fin max. 10 sairas a duas uras (duas giadas 45 minutias).
4. Il daner da curs munta
  - per il territori rumantsch a fr. 5.-/saira (curs 8 sairas fr. 40.-, curs 10 sairas fr. 50.-);
  - per Cuira ed auters lieus ordaifer il territori rumantsch fr. 8.-/saira (curs 8 sairas fr. 64.-, curs 10 sairas fr. 80.-).
5. La paja dals scolasts munta a fr. 70.-/saira a duos uras, incl. preparaziuns. Viadis dal scolast na vegnan per regla betg indemnisaads supplementarmain. Meds d'instrucziun (era copias etc.) paja il participant.
6. Il scolast rapporta davart il curs a la LR (lieu, termin, participants, lavour, meds d'instrucziun, pajaments) cun ils formulars respectivs.
7. Il curs en il territori po vegnir dà cun minimal 4 participants; quint per 8 sairas cun 4 participants:

– daner da curs total	fr. 160.–
– paja scolasts	fr. 560.–
– deficit LR	fr. 400.–

quint per 10 sairas cun 4 participants:

– daner da curs total	fr. 200.–
– paja scolasts	fr. 700.–
– deficit LR	fr. 500.–

Il curs ordaifer il territori rumantsch, surtut en agglomeraziuns pli grondas sco Cuira, duess en princip purtar sasez, na dastga dentant en mintga cas betg chaschunar gronds deficits, q. v. d. per 8 sairas minimal 8 participants;

quint per 8 sairas cun 8 participants:

- daner da curs total	fr. 512.—
- paja scolasts	fr. 560.—
- deficit LR	fr. 48.—

In curs na duess ensamma betg cumpigliar dapli che 12–15 participants.

8. Ils organisaturs u scolasts sa dattan fadia per la cuntinuitad dals curs.
9. Per cas spezials po il secretari en discussiun cun ils organisaturs, scolasts etc. decider excepziuns da questas normas.
10. Las expensas per ils curs vegnan budgetadas da la LR. Ils collavurturs regiunals tegnan contact cun ils scolasts per ils curs d'assimilaziun en lur regiuns. Da temp en temp èn reuniuns inditgadas per discutar davart experientschas, meds d'instrucziun etc. Per talas reuniuns paja la LR spesas e viadis a norma da l'urden vertent.

#### 4. Rumantsch Grischun

L'onn 1984 è stà sut l'ensaina d'in progress considerabel tant da la lavur scientifica sco da la lavur pratica vi dal rumantsch grischun. Il pais principal da la lavur scientifica han furmà l'elavuraziun e l'amplificaziun dal pledari rumantsch grischun-tudestg/tudestg-rumantsch grischun e da la grammatica elementara. In pass impurtant en questa lavur è segiramain vegni fatg tras l'emprova reussida cun l'EED (elavuraziun electronica da datas) per la preparaziun dal pledari. Parallel a la lavur scientifica è dentant era vegnida prestada ina gronda lavur pratica. La dumonda creschenta da translaziuns en rumantsch grischun ha necessità ina extensiun dal post da traducziuns ed ha cun quai augmentà la lavur da correctura e d'excerpar. In ulteriur pensum è stà er quest onn la lavur publica. L'infurmaziun, surtut dals Rumantschs, è in punct fundamental da la lavur

dal post da rumantsch grischun. L'onn 1984 han già lieu referats davart il project rumantsch grischun a Laax, Domat, Riom, Rueun, Zernez (ils trais ultims per las autoritads communalas e per ils chanzlists), Vella (Romania), Cuira (Uniuon da scripturs) ed a Puntraschigna (Conferenza da magisters d'Engiadin'ota). Curs da rumantsch grischun èn vegnids purschids a La Punt-Chamues-ch (scolaziun da creschids), Cuira (differents curs), e Turitg (differents curs). L'avust (6-15/8/84) ha già lieu il segund curs da rumantsch grischun d'ina emna a Mustér (120 participants) e dapi l'atun 1984 vegn fatg per emprova in curs da rumantsch grischun per interessentas da linguatg tudestg a la Scola da dunnas a Cuira. En connex cun queste curs èn vegnids elavurads meds d'instruziun provisoris per emprender rumantsch grischun; ils meds per interessents da linguatg tudestg ordaifer il post da rumantsch grischun da Gieri Menzli en incumbensa speziala.

A chaschun da la radunanza dals 23-6-1984 a Falera è vegnida acceptada la sequenta decisiun concernent l'adiever dal rumantsch grischun:

- «1. Ils *idioms* scrits regiunals: puter, surmiran, sursilvan, sutsilvan e val-lader han il medem dretg concernent diever e tgira. Ils singuls idioms vegnan duvrads mintgamai per texts publics (cudeschs, stampats, etc.) adressads be a la regiun respectiva.
- 2. Il *rumantsch grischun* sco linguatg da punt e standard vegn duvrà per texts da tut gener che sa drizzan a l'entir territori rumantsch e per tuts cas, nua che sulettamain ina varianta vegn en dumonda.»

## 5. Servetsch da linguatg e documentaziun

Dapi l'entschatta d'october 1984 exista ina plazza cumplaina da filolog a la Lia rumantscha, ch'è dentant per il mument occupada mo a mez temp da maniera stabla, entant ch'ils meds previs per l'autra mesadad servan a cuvrir incumbensas spezialas currentas en quest champ en ed ordaifer la Lia Rumantscha. Las incumbensas principalas dal u dals filologs a la Lia Rumantscha èn la planisaziun e realisaziun dal program da neologissem e l'infurmaziun da linguatg a tuts interessents. Per pudair satisfar a questas incumbensas basegna il post da linguatg ina *documentaziun linguistica* uschè cumpletta sco pussaivel da tut

ils sforzs e las emprovas da terminologia fatgas fin ussa. La laver preparatoria per questa documentaziun ha pudiè vegin cumenzada già durant la stad passada sco incumbenza speziala. L'emprim èsi stà necessari da ponderar in sistem da rimnada, classificaziun e deposit che permetta da trair a niz il material existent davent da l'entschatta per il diever dal mintgadi, che pussibilitescha dentant er ulteriuras lavurs tematicas pli grondas. Questas preparativas han pudiè vegin terminadas per gronda part en il decurs da quest onn, e durant l'atun èn già las emprimas lavurs d'excerpar veginidas fatgas da differents students. Quellas ed il diever crescent da las materialias rimnadas per l'infuriazion dad interessents han cumprovà tant l'impurtanza sco er la qualitad da las lavurs preparatorias, uschia ch'ins astga spetgar ils emprims resultats en furma da publicaziuns en il decurs da l'onn 1985.

## 6. Teater rumantsch

Il POST DA TEATER ha cun quest onn cuntanschì ina grondezza ed importanza remartgabla sin il champ dal sustegn e da l'infuriazion dal teater popular rumantsch. Durant l'onn è veginida introducida en la laver dal POST DA TEATER dunna Annemieke Buob da La Punt. Ella ha sviluppà in grond interess ed activitat en la laver da secretariat dal POST ed en il rom dal teater per e cun uffants.

Las singulas lavurs dal POST DA TEATER èn stadas:

### *Infuraziun, biblioteca*

La biblioteca è veginida consultada fitg activamain (164 spediziuns cun ca. 1150 tocs teater), er grazia a la publicaziun da la glista nova dals tocs teater. Ca. 40 gruppas han giugà tocs lungs per ina saira entira, pli aut è il dumber da las producziuns accumpagnantas. 30 magisters han empustà tocs per il temp da Nadal. En la biblioteca èn veginids integrads 82 titels novs, ella cumpiglia ussa ca. 900 titels.

### *Traducziuns*

Gasetta da teater TEATER RUMANTSCH/ROMONTSCH:

Ils traïs numers da quest onn (15, 16 e 17) han tractà las activitads e las pussaivladads d'activitads dal teater popular rumantsch, han preschentà ideas criticas sur d'in curs, referats sur da la pussaivladad dal gieu da Nadal, preschentà titels da tocs giugabels per Nadal e preschentà il success e la tematica dals differents tocs da la CONCURRENZA DA TOCS NOVS.

La gasetta da teater vegn tramessa a ca. 370 adressas, ils numers areguard la CONCURRENZA a passa 420 (er a tut ils scripturs).

### *Ils curs*

- 21/22 da schaner a Chapella (S-chanf) DRAMATURGIA ED ELAVURAZIUN DA TOCS TEATER (ladin), G. G.
- 28/29 da schaner a Trun DRAMATURGIA ED ELAVURAZIUN DA TOCS TEATER (sursilvan), G. G.
- 26 d'october a Schlarigna CONTACT TRANTER MAGISTERS E POST DA TEATER, discussiun ed experientschas, giavischs, cun Annemieke Buob.
- 27/28 d'october a Samedan INTRODUCZIUN A «ILS FISIKERS» cun la gruppda teater da Samedan, G. G.

Divers curs n'han betg pudì vegin fatgs, pervia da la mancanza d'annunzias. Giavischads èn curs pratics e colliads cun ina lavour directa. Il champ è puspè pront per organisar in curs da SCOLA DA TEATER, cun scolaziun cumplessiva. L'idea vegn realisada l'avust 85 a Riom.

### *Accompagnaments e visitas a provas cun discussiun*

- Scuol	SUOT LA PANTOFLA	R: A. Parolini
- Andeer	AD ACLÀ	D: L. Hassler
- Sent	VITÜRIN MUNTATSCH	R: P. Gisep
- Samedan	FISIKERS	R: A. Lazzarini
- Vuorz	TSCHELLA VIA	R: F. Gabriel

### *Sairadas da contact*

21-1: Chapella / 28-1: Trun / 3-3: Vuorz / 4-3: Rabius / 29-4: Rueras  
(contact) / 1-5: Glion

### *Barat da represchentaziun*

La gruppera da teater da Tschierv/Fuldera e Lü ha preschentà il toc MARDI GRASS, Labiche, a Donat. Ina resposta a questa visita n'è betg anc stada pussaivla.

### *Contacts spezials*

- 18-1: cun la gruppera da la camiunetta culturala (Kulturmobil)
- 23-1: cun ina delegaziun da la vischnanca da Savognin per dumondas da construcziun da la sala nova per teater
- 7-9: cun la PRO HELVETIA

### *Projects*

Bravuogn ha sviluppà ina gronda activitatad cun la gruppera per il rumantsch. Diversas discussiuns durant tut l'onn han madirà l'idea da realisar in agen project da la vischnanca cun sia istorgia e situaziun linguistica. La tematica è vegnida surdada a Pol Clo Nicolay per elavurar ina proposta da text. Ina represchentaziun è previda il 86 u 87.

La Punt cun Sina Niggli ha giavischà in studi d'ina realisaziun dal toc ADAM DA CHAMUES-CH. Diversas reuniuns han sustegnì la furmazion d'in comitè da lavur. La lavur ha ina furma concreta e vegn realisada.

### *Concurrenza da tocs novs rumantschs*

Il POST DA TEATER da la LIA RUMANTSCHA ha scrit ora la fin da l'onn 1983 ina CONCURRENZA DA TOCS NOVS RU-

MANTSCHS. 14 auturs han chattà l'energia, il temp e la veglia da sa confruntar sin quest champ. Quai po veginir valità sco grond success. Sa participats èn auturs cun blera rutina ed experientscha ed er auters ch'han vulì sa mesirar per l'emprima giada cun questa furma litterara. Per il POST DA TEATER da la LIA RUMANTSCHA è quai da gronda impuranza sch'er persunas che n'han anc mai scrit ina furma dramatica demussan cun lur participaziun l'interess per la lavur cun il teater popular rumantsch.

Prendì part han las persunas sequentas:

Ulrich Caflisch	TSCHELLA VIA
Silvio Camenisch	IL FEGL PERDIU
Willy Decurtins	INA FAMIGLIA SPIR VARIAZIUNS
Ursicin G. G. Derungs	SIEMI DA MESA STAD
Conradin Giger	TSCHELS ONNS
Hubert Giger	IGL AUG DELL'AMERICA
Mario Jegher	IGLS DEMOCRATS DA TRANTER-SPONDAS
Bigna Montigel	LA SUMGLIENTSCHA DA LA VART SCHNESTRA
Jon Nuotclà	ÜN PITSCHEN IMPACH
Roc Poltera	IGL OM DA L'AVA
Madlaina Rauch-Stupan	L'INAUGURAZIUN DA L'ATELIER
Gion Peder Thöni	EN ANGHEL D'EN DRAC
Margaritta Uffer	LA FEGLIA DIGL DIAVEL
Roland Vincenz	EMBRIONO

9 premis èn veginids pajads ora: l'emprim premi (4 000.—francs) ha retschavì il SIEMI DA MESA STAD, il segund (2 000.—francs) IL FEGL PERDIU, il terz (1 000.— francs) EMBRIONO. Auters sis auturs han survegnì anc premis da 500.— francs. La PRO HELVETIA ha sustegnì nossa CONCURRENZIA cun 5 000.— francs, L'UNIUN DA SCRIP-TURS cun 1 500.— francs.

La planisaziun e programmaziun da las activitads dal POST DA TEATER durant la SCUNTRADA DAL PIEVEL RUMANTSCH a Savognin/Riom (85)) ha era pretendì ina tscherta lavur.

La lavur dal POST DA TEATER è daventada indispensabla.

## 7. Meds da massa, infurmaziun

Ensemencun ils editurs/redacturs da las gassetas rumantschas è vegnida elavurada il matg 1984 ina proposta per ina amplificaziun da la pressa cun texts en rumantsch grischun. La LR veseva la pussaivladad da metter a disposiziun texts en la dimensiun d'ina pagina ch'avessan pudì vegnir plazzads en las singulas gassetas tenor selecziun e decisiun dal singul redactur. En in'instanza a la regenza grischuna (12-11-1984) è dentant vegnida integrada la proposta da sustegnair la pressa regiunala existenta (Casa Paterna/La Pùnt, Fögl Ladin, Gasetta Romontscha, Pagina da Surmeir) cun finanziar sur las societads regiunalas da la LR mintgamai in redactur en uffizi cumplain ( $4 \times 80\,000$  francs =  $320\,000$  francs) e da dar ina contribuziun per la prestaziun a norma da las paginas stampadas en rumantsch (100 000 francs). – Sper las contribuziuns a la pressa tenor quint (cf. quint agiuntà) ha la LR era sustegnì la pressa rumantscha cun traducziuns d'inserats en rumantsch grischun. Deplorablamain n'ha era quest sustegn betg pudì eliminar tut ils inserats tudestgs or da las gassetas rumantschas! – Cun communiqués da pressa, cun rapports en il radio, cun intervistas ed infurmaziuns a schurnalists da l'entira Svizra è la lavur publica restada intensiva ed ha purtà ina ulteriura sensibilisaziun per il rumantsch. Cun l'avertura dals 30-5-1984 en il museum da l'Ancien-Evêché a Lausanne ha l'exposiziun «Le pays Reto-romanche» cumenzà ses itinerari tras la Svizra romanda.

*Las exposiziuns ambulantas èn vegnidias preschentadas:*

Versiun tudestga

*Winterthur* (2-1 fin 14-1-84 Negozi ABM; sut patrunadi Nova societad helvetica NSH, pres. dr. Roberto Bernhard; vernissascha e conferenza da pressa cun dr. R. Bernhard, dr. Bernard Cathomas e Kurt Kobel.

*Bürglen* (14-1 fin 28-1-84) Negozi Migros; patrunadi Uniu grischuna Uri, pres. Gion Tumasch Cathomen; conferenza da pressa; curs da rumantsch cun 40 participants.

*Frauenfeld* (3-2 fin 18-2-84) Scola chantunala, rectur dr. Munz; conferenza da pressa e referats da Maria Cadruvi e Tista Murk.

*Aarau* (11–3 fin 15–4–84) Scola chantunala; patrunadi NSH, pres. K. Halder; vernissascha e conferenza da pressa cun Romedi Arquint.

*Basel* (21–4 fin 5–5–84) Negozi Migros Gundelitor; organisaziun e patrunadi da Giorgio Gustin, pres. Uniun rumantscha Basel.

*Fribourg* (14–6 fin 14–7–84) Universitad da Fribourg; patrunadi NSH, pres. Roseline Crausaz; vernissascha cun ils trubadurs Alexi Nay e Marcus Hobi e conferenza da pressa cun Roseline Crausaz ed Andrea Semadeni.

*Neuchâtel* (15–7 fin 17–7–84) Hôtel de Ville; patrunadi Uffizi da cultura, André Bühler.

*Samedan* (25–8 fin 16–9–84) Scola evangelica, rectur dr. Heinrich Schmid; vernissascha e conferenza da pressa cun dr. Hch. Schmid e dr. Bernard Cathomas; visitas da classas da la scola evangelica e scolas secundaras d'Engiadin'ota.

*Schiers* (16–9 fin 15–10–84) Scola evangelica, Stephan Fischer; visitas da classas da la scola evangelica e scola secundara da Schiers.

*Haag* (15–10 fin 4–11–84) Negozi Waro; organisaziun directur Waro Daniel Grass; patrunadi Uniun grischuna da Buchs e conturns, pres. Not Janett-Peer.

#### Versiun franzosa

*Lausanne* (28–5 fin 14–6–84) Musée de l'Ancien-Evêché; patrunadi citad da Lausanne; vernissascha e conferenza da pressa cun Chasper Pult.

*Fribourg* (14–6 fin 14–7–84) Universitad da Fribourg; patrunadi NSH, pres. Roseline Crausaz; vernissascha cun ils trubadurs Alexi Nay e Marcus Hobi e conferenza da pressa cun Roseline Crausaz ed Andrea Semadeni.

*Neuchâtel* (15–7 fin 15–8–84) Hôtel de Ville; patrunadi Uffizi da cultura, André Bühler.

## 8. Ediziuns LR 1984

### *Vocabularis*

- div. auturs «Pled rumantsch III» BIOLOGIA  
Cavigelli, P./  
Peer, O. Polyglott (restampa)

### *Grammaticas e manuals linguistics*

- Arquint, J. C. Curs auditiv «Vierv ladin»  
(cudesch da text e 6 cassetta)  
Dazzi, A. A. Grammatica elementara dal rumantsch grischun  
(separatum dal «Pledari rg-tud./tud.-rg»)

### *Meds d'instrucziun*

- Bonorand, S. Nus imprendains rumauntsch (meds per las scolinas  
puteras)  
Kohler, E./  
Guidon, S. Rumauntsch in scoula, I.+II. s-chelin (puter)  
Kohler, E./  
Schaniel, E. Rumantsch an scola, I.+II. scalem (surm.)  
Cadalbert, R./  
Bonorand, S. Rumauntsch in scoula, IV. s-chelin (puter)  
Seeli, G./  
Ganzoni, A. Rumaunsch in scoula, V. s-chelin (puter)  
Seeli, G./  
Ganzoni, A. Rumauntsch in scoula, VI. s-chelin (puter)  
Vonmoos, P. Chanzunettas e gös per nossas scoulinas (restampa)

*Cudeschs d'uffants e giuvenils*

- Bolliger, M. Ina sbrenzla speronza, surs. E. Simeon-Lombriser, (dretgs da Verlag Huber, Frauenfeld)
- Cagienard, F./ Grischetta III – si culm, rg G. P. Gregori, (coediziun Vincenz, V. Desertina, Mustér)
- Cariget, A. Zocla, Zila, Zepla (restampa, dretgs da Orell Füssli Verlag, Zürich)
- div. auturs Enicapeni, surs. M. Lombriser (10 numers, 580 abu-nents, dretgs A. Eisélé, Prilly)
- Goscinny R./ Asterix ed ils Helvets, rg F. Giger (dretgs e films offset Uderzo, A. Dargaud, Neuilly-sur-Seine)
- Goscinny, F./ Asterix – Il foss grond, surs. F. Lutz (dretgs e films off-Uderzo, A. set Albert René, Paris)
- Halter, T./ Praulas
- Isenring, T.
- Pavoni, V. Nicolo ha ün grond giavüsch, ladin L. Parli  
Nicolo ò en grond giaveisch, surm. R. Uffer  
Nocolo ha in grond giavisch, surs. R. Cathomas (coediziun Pro Juventute)
- Ritz, M./ L'istorgia da Janaiverin, (restampa Chasa Paterna nr. Vital, A. 66)

*OSL*

- Daudet, A./ La cauretta da mistral Gieri, nr. 801, surs., restampa Cariget, G.
- Doyle, A. C./ Sherlock Holmes – Ils tachels blaus, nr. 1686, surs. Cathomas, R.
- Kästner, E./ Ghignol, II. part, nr. 1687, suts.
- Tscharner, B.
- Valentin, K./ Scenettas, nr. 1688, ladin da J. Guidon
- Raynaud, F.
- Lehnhard, E./ Igl asenign Bim, nr. 1689, surm.
- Jegher, M.
- Hendry, V. Sep Mudest Nay, nr. 1690, surs.
- Plouda, R. La bos-cha tuorna a flurir, nr. 1691, ladin
- Thöni, G. P./ Tegn e Tina, nr. 1692, surm.
- Haas, P.

### *Diversas*

- Catrina, W./ «Le Pays Rheto-romanche», broschura da l'exposiziun ambulanta franzosa, en incumbensa dal chantun Vad  
Pichard, A. Program provisori da la ‘Scuntrada dal pievel rumantsch’, 5–11 d'avust 1985 a Savognin  
Cathomas, B./ Uffer, R. Rapport annual 1983  
div. auturs Kaiser, T. Catalog da publicaziuns rumantschas

### *Cassettes*

- div. pledaders 6 cassettes curs auditiv «Vierv ladin»  
div. pledaders 7 cassettes curs audiovisual puter, (reproducziun)

## Ediziun da musicalias

### *Concurrenza da cumposiziuns 83/84*

La concurrenza da cumposiziuns rumantschas per chors 1983/84 ha già grond success. Total èn vegnidas inoltradas 99 chanzuns. Da quellas èn 45 per chor mixt da 21 cumponists, 43 per chor viril da 18 cumponists e 11 chanzuns per chor d'uffants e dunnas da 7 cumponists. La cumischiun da chant da la LR che sa cumpona dals signurs Ernst Broomeis, Ardez; Giusep Huonder, Mustér; Ludwig Morell, Samedan; Rudi Netzer, Savognin e Markus Zarn, Landquart, ha repassà las chanzuns e fatg ina selecziun da 10 cumposiziuns per chor mixt, 10 per chor viril e 5 per chor d'uffants. Quellas chanzuns èn vegnidas edidas e trames-sas a tut ils dirigents dals chors rumantschs. Sin giavisch vegnan però er messas a disposiziun las chanzuns che n'en betg vegnidas selecziunadas.

En collavuraziun cun il Radio rumantsch avain nus surdà las 25 chanzuns selecziunadas als sustants chors:

10 chanzuns per chor viril: Chor dals Larischs, M. Zarn

10 chanzuns per chor mixt: Rudé da chant, J. Janett

5 chanzuns per chor d'uffants: Chor d'affons Trun, Chr. Nay

Quests chors da num e da pum han emprendì las novas chanzuns, ch'en alura vegnidas registradas dal radio en il decurs da la primavaira/stad 84.

Il «Festival da la chanzun rumantscha» e vegni emess al radio rumantsch. Giusep G. Decurtins ha organisà e preschentà las emissiuns dals 19 e 26 da settember da las 20.15–22.00. La tracziun da la successiun da las chanzuns ha surveglià notar Schimun Vonmoos. Quatter giurias da chantadurs, ina en Engadina, ina en Surmeir, in'autra en Surselva e la quarta a Cuira han dà lur puncts per la chanzun (na per l'interpretaziun dal chor). Quests èn ils resultats:

*Rangaziun tenor giuria en connex cun l'emmissiun da radio*

Chor viril

titel	cumponist/poet	idiom
1. Meditaziun	Alvin P. Muoth/S. A. Muoth	rg.
2. Ina sera el far brin	Conrad Bertogg/G. Fontana	surs.
3. Alla glisch	Gion A. Derungs/D. Cadruvi	surs.
4. Il badugn	Giusep Huonder/V. Durschei	surs.
5. Cant digl univers	Conrad Bertogg/P. Cadotsch	surs.
6. Suplicas	Gion D. Simeon/J. Bella	surm.
7. Taimp da matg	Gion A. Derungs/P. Cadotsch	surm.
8. Ti das a nus las uras	Eduard Lombriser/G. Deplazes	surs.
9. Il paür	Oreste Zanetti/Ch. A. Grass	lad.
10. Ils traïs larschs	Oreste Zanetti/Ch. A. Grass	lad.

Chor mixt

1. La nona	Curò Mani/J. Guidon	lad.
1. D'ingionder	Jachen Janett/L. Famos	lad.
3. November	Gion A. Derungs/I. Klainguti	lad.
4. Ave Maria	Conrad Bertogg/A. Bertogg	surs.
5. Tumasch da la pasch	Jachen Janett/N. U. Spigna	lad.
6. Lirili	Curo Mani/J. Vonmoos	lad.
7. Canzun da sault	Conrad Bertogg/A. Bertogg	surs.
8. Clam da l'ura	Oreste Zanetti/A. Caflisch	lad.
9. Buna sera biala	G. A. Derungs, arr., chanz. pop.	surs.

### Chor d'uffants

1. Glüminas sül pra	Jachen Janett/A. Clalüna	lad.
2. Ei plova	Armin Caduff/verset pop.	surs.
3. Sin viadi	Eduard Lombrisser/F. Camathias	surs.
4. Mes skis	Armin Caduff/V. Durschei	surs.
5. La neiv vign	Urs Simeon/text Fibla	surm.

Per il emprims rangs ha la LR dà in bel pocal da zinn per ils cumponists ed als poets in bon da 100.— fr. per cumprar cudeschs. Per ils segunds rangs in bon da 100.— fr. e per ils terzs rangs in bon da 50.— fr. a cumponists e poets. Ils chantadurs dals trais cors han survegnì ina clavina rumantscha.

En la «Svizra rumantscha» ha la televisiun terminà la concurrenza 83/84 preschentond ils victurs e lur cumposiziuns.

### *Concurrenza da cumposiziuns 1984/85*

La concurrenza 84/85 è deditgada al giubileum «2000 onns Retoromania». En primavaira 1984 è vegnida convotgada la concurrenza da lirica per rimnar texts e poesias che sa refereschan a quest tema. Il resun è stà bun, uschia ch'ins ha pudi trametter in bel dumber da poesias als cumponists rumantschs. Ils cumponists han già temp d'inoltrar lur ovras enfin ils 15 da december. Cun 33 chanzuns è la racolta stada remartgablamain pli pitschna che quella da l'onn avant. La cumissiun da chant da la LR ha surpiglià quella collezioni per dar il giudicat e selecziunar las meglras lavurs. La cuntuaziun da la concurrenza croda en il rapport 1985.

Sin instanza da la LR ha il Comité naziunal per l'onn europeic da la musica 1985 decidì ina contribuziun da 40 000.— fr. per diversas activitads musicalas en la Rumantschia (Festival da musica a Mustér; occurrentzas en connex cun la ‘Scuntrada dal pievel rumantsch’, l'avust 1985 a Savognin).

### *Ulteriurs projects*

Sper questas ediziuns realisadas èn plirs projects en preparaziun, per part progedida: L'emprima redacziun dal «Vocabulari administrativ-giuridic» è pli u main terminada. Ella vegn repassada da

filologs e d'in um dal fatg (giurist) e duess cumenzar a cumpair il 1985. – Per la «Correspundenza privata e da fatschenta» existan in concept e numerusas traducziuns, l'ediziun cumpara en in ordinatur avert en il decurs da l'onn 1985. – Per la redacziun da la «Bibliografia retorumantscha» lavura Norbert Berther en uffizi cumplain en incumbensa da la LR a partir dal 1. d'october 1984; la redacziun duess esser terminada e la bibliografia pronta per l'ediziun ca. il settember 1985. – L'ediziun da las «Praulas surmirianas» n'è betg stada pussaivla, damai che ils ertavels da dr. Leza Uffer na pon betg acceptar las cundiziuns d'ediziun da la LR (e varianta idiom!). – Per l'ediziun d'ovras ecclesiasticas ha la LR dà in sustegn sur las regiuns regiunalas Romania e Renania.

### *Sustegn per ediziuns*

Cadotsch Peder	Gleisch avonda
Chardun	A l'ur dal di (C. D. Bezzola)
Desertina	La porta dalla libertad? (D. Capeder)
Desertina	Grischetta si culm (coediziun)(Cagienard/Vincenz)
Fundaziun Retoromana	Hades, opiniuns
Peer Andri	Insainas
Romania	Tschespel 49 (restampa)
Terra Grischuna	Il giavin dalla siringia (H. Spescha)
Uniun dals Grischs	Max e Murezzan (W. Busch)
Uniun dals Grischs	Cowboy Jim
Uniun Verlags AG	Dialog (Revista)

## 9. Contacts

Ils contacts cun ils uffizis federrals e chantunals, cun l'industria privata, cun organisaziuns ed instituziuns svizras portan buns fritgs cun l'ediziun da numerusas scrittiras en rumantsch (broschuras, formulars, feglis d'infurmaziun, placats etc.). – Deplorablamain n'en nagins progress da registrar en la dumonda d'ina lescha per la promozion dals

linguatgs en il Grischun. – Cun collavurar en il comité d'acziun e cun in appel a las uniuns affiliadas da s'engaschar ha la LR era sustegnì la campagna da votaziun per l'Istitut retic da perscrutaziun (matg 1984). – Ensemen cun la Pro Grigioni Italiano, la Walservereinigung ed ulteriurs exponents da cultura grischuna è vegnida elavurada ina proposta per in bulletin da cultura triling. La Lia rumantscha vul discutar quest project en il rom pli vast da la pressa rumantscha. – Novs contacts ed infurmaziuns pli intensivas èn vegnidas introducidas cun uniuns rumantschas en la Bassa, uschia Berna, Turitg, Lachen/Sviz; e. a. – La informaziun da la Nova Societad Helvetica da Schaffusa en collavuraziun cun la LR ha già grond success. – En la suprastanza da la Quarta Lingua daventa Cristian Joos successor da Romedi Arquint; en la suprastanza da la Societad svizra per minoritads represchenta dunna Heidi Derungs-Brücker la LR. – Al seminari da Pasca da la UFCE ha la LR delegà ina gruppa da giuvens/giuvnas cun Ruedi Bruderer. – A las occurrenzas dal Forum Helveticum, da la Nova Societad Helvetica ed il Stapferhaus è la LR stada represchentada ed engaschada. – La LR è daventada com-membra da la SAB (Gruppa da lavur svizra per la populaziun da muntagna. – En connex cun la planisaziun cun l'onn dals Ladins han il parsura Romedi Arquint e Jacques Guidon sa participà a discussiuns en las Dolomitas ed il secretari ha fatg in referat a Bulsan. – Toni Kaiser ha represchentà la LR tar la reunion dals Fogulars Furlans a l'ester a Nossadunnaun ed al congress da minoritads a Rovinj/Rovigno JU. – A chaschun da la radunanza generala dal cussegl da fundaziun da la Pro Helvetia ha la LR organisà ensemen cun la Pro Helvetia ina sairada da discussiun e contact a Trin cun exponents da Trin e conturn. – Referats davart il rumantsch en il pli vast senn ha il secretari fatg a Samedan (scolaziun da creschids), Wetzikon (scola media), Domat (rumantsch grischun), Vella (Romania, rg), Domat (scola rumantscha), Scuol (camunetta culturala), Laax (emna da studis), Mustér (rg), Flem (Kiwanis), universidad Fribourg (scolas autas e rumantsch), Glion (giuventetgna), Laax (presentaziun cùdisch da praulas) e. a.. – La LR collavura er en ils comités d'organisaziun per 'Il Grischun a l'Olma 1985' e per il 'Tir federal 1985 a Cuira'. Il secretari è commember da la gruppa d'experts per il project naziunal da retschertga 21: Pluralissem cultural ed identiad regiunala.

## 10. Administraziun ed organisaziun

### *General*

Ina gronda part da la laver en il secretariat cumpiglia l'execuziun da la correspundenza, da rapports, protocols, invitaziuns e communicaziuns da pressa. Bain savens surpassa il dumber da brevs e stampats che sortan durant in'emna da la LR la cifra da 400.

Adina dapli glieud fa adiever dal servetsch da telefon, saja quai per empustaziuns, dumondas generalas sur dal rumantsch, translaziuns e. a. I dat dis ch'ins po quintar cun ca. 100 cloms da telefon.

La butia da cudeschs da la LR vegn frequentada durant l'onn surtut da scolasts che tschertgan lectura per lur lecziuns. Adina dapli chattan però era ulteriurs Rumantschs la via tar nossa butietta e surtut il temp avant Nadal avain nus «stagiu auta». Savens vegnan era entiras classas en visita en chasa rumantscha ed ils davos onns adina dapli persunas da la Bassa e da l'exterior che sa fatschentan u s'interessan dal rumantsch.

### *Administraziuns «Litteratura» da l'USR*

Per levgiar l'USR ha la LR surprendì l'administraziun da la «Litteratura». I sa tracta qua surtut da lavurs da contabilitad e da la preparaziun per la spediziun da quella periodica che cumpara 2 giadas l'onn e che vegn tramessa a ca. 500 abunents.

### *Biblioteca/archiv*

La biblioteca – sulettamaint per diever intern – vegn amplifitgada cuntuadament cun tut las ediziuns rūmantschas, publicaziuns sur dal rumantsch, periodicas, gasettas, broschuras e. a. v.

L'archiv stuess vegnir reorganisà. Dentant mancan fin ussa las forzas da laver u meglier ditg ils medis finanzials.

## *Documentaziun*

Ils artitgels sur dal rumantsch, cumparids l'onn 1984 en las pli differentas gasettas, empleneschan 6 ordinaturs. Ina gronda part dals auturs da queste artitgels passan naturalmain a la LR per las infurmaziuns necessarias u dumondan da vegrir documentads adequatamain. Damai era quai acziuns che pretendan bler temp dal persunal da la LR.

## *Post da translaziun*

Durant l'onn 1984 ha il post da translaziuns da la Lia rumantscha survegni 513 incumbensas da translaziuns, da quellas 72 en ils differents idioms e 441 giavischs per translaziuns en rumantsch grischun. En quellas cifras n'en betg cuntegnidas las dumondas da translaziun per numbs da fatschentas e d'uffizis, dumondas che vegrnan fatgas e respondidas directamain al telefon – e quai di per di.

Tranter quellas 513 translaziuns chattain nus blers texts curts per fatschendas privatas e per las pli differentas instituziuns, però era lavurs pli grondas, sco p. ex. l'emprim cudesch da Silva che cumpara il 1985 en rumantsch grischun; broschuras per uffizis federales; reglaments per diversas segiranzas; texts per la PTT; la proposta per la nova constituziun federala; il questiunari per ils recruts 1985 e. a. v..

Las tariffas per translaziuns muntan a fr. 1.50 per lingia (en cas spezialis po era vegrir martgadà!). Schebain che la gronda part da las translaziuns (surtut en rg) vegrnan pajadas dals clients, è il post da translaziun rg dependent da la contribuziun dal chantun da Genevra. Quai surtut or dal motiv ch'ans mancava l'onn 1984 il pledari tudestg-rumantsch grischun / rumantsch grischun-tudestg. Translaturs e correcturs perdan bler temp, damai ch'els ston tschertgar e crear ina gronda part dals pleds necessaris, surtut perquai ch'i sa tracta savens d'ina terminologia fin ussa mai duvrada en ils idioms rumantschs. Gronda fadia ans fan er ils texts da propaganda e da slogans – in linguatg tut spezial ed ester per il rumantsch. Per talas translaziuns essan nus savens dependents da formulaziuns da noss scripturs. Grazia fitg ad els!

La gronda derasaziun da texts rumantschs – surtut en rumantsch grischun – na fiss betg pussaivla senza l'agid da blers collavuratur temporars, era ordaifer da la LR, e surtut dals students da romanistica.

Cun lur engaschament demussan els adina puspè d'esser pronts da cum-batter per il mantegniment da noss linguatg.

### *Persunal*

Il grond augment en il moviment rumantsch ha necessità differentas midadas ed adattaziuns surtut en il sectur dal persunal. Sin pag. 7 da quest rapport annual chattais Vus la repartiziun dals singuls ressorts ed ils numis dals collavuratur. I n'è damai betg necessari da numnar da-novemain ils pertugads. Menziun speziala merita dentant Lydia Lombbris, che ha terminà il mais da zercladur l'emprendissadi da biro cun grond success (cun la meglra nota da sia partiziun). Cordiala gratulaziun!

Temporarmain lavuran adina puspè students e scolars en il ravugl da la LR, saja quai en il post da linguatg, post da translaziuns u per outras incumbensas. Durant l'onn 1984 èn quai stads: Dumenic Andry, Jon Peder Arquint, Lucrezia Augustin, Curdin Caveng, Eva Caviezel, Peder Clalüna, Justina Derungs, Beat Durschei, Annetta Ganzoni, Jürg Gautschi, Cristina Itin, Anita Mazzetta, Ursina Saluz, Annatina Secchi, Anton Simonett, Miriam Sossay, Otto Valaulta, Fortunat Walther.

Ad els sco era a l'entir persunal da la LIA RUMANTSCHA in cor-dial engraziamenti per l'engaschament.

### *Diversas*

Gronda stenta chaschunan las discussiuns per cuntanscher dal chantun Grischun ils meds federais disponibels ed indispensabels per la realisaziun integrala dals postulats en l'instanza LR 1980. Discussiuns cun parlamentaris, cun represchentants dal cussegli grond e cun delegaziuns da la regenza han già lieu. La finala ha la suprastanza en discus-siun cun il cussegli LR inoltrà ils 12–11–84 ina instanza al chantun Grischun cun las dumondas da pussibilitar ina promozion da pressa e d'installar il center da documentaziun tenor ina proposta da la Societad retorumantscha. Las dumondas d'in post da traducziun ed ina guliva-ziuun da la charischia èn be vegnidias allegadas, dentant na suttamessas sco postulats. La regenza grischuna interpretescha la lescha federala dals

24–6–1983 concernent la promozion dal rumantsch ed il talian en il Grischun da maniera, ch'il chantun Grischun na possia betg dar a la LR dapli che 400 000.–agens medis ed anc 100 000.–ord la summa restada da la Confederaziun, senza far, a partir da la summa da 500 000.–fr., ina votaziun dal pievel. La Lia rumantscha è – a basa d'ina expertisa fatga da dr. Pierluigi Schaad per incumbensa da la LR – da l'opiniun che la Regenza grischuna stoppia differenziar tranter agens medis (400 000.–fr.) e la summa restada al chantun Grischun da la contribuzion federala (1 050 000.–fr.). Tenor lescha federala sto il chantun Grischun dar a la LR minimal 1,5 milliuns da la contribuzion federala. Dr. Pierluigi Schaad argumentescha en sia expertisa, che la noziun «minimal» muntia, che il chantun possia era dar dapli a la LR che la summa minimala da 1,5 milliuns francs, senza votaziun dal pievel. La LR resenta l'adiever dals medis federais previs da la Regenza sco ina discriminaziun da la grappa da linguatg rumantsch en il chantun Grischun, per la quala las leschas chantunalas vertentas ston valair cun la medema rigur sco per las ulteriuras gruppas da linguatg chantunalas. Cun pajar l'instruziun da rumantsch en las scolas chantunalas (seminari, scola da dunnas, gimnasis), il servetsch chantunal da translaziun, ils custs da publicaziuns uffizialas chantunalas e l'ediziun dals cudeschs da dretg en rumantsch e talian instituzionalisescha il Chantun in tractament inegal da las gruppas da linguatg en il chantun Grischun. La suprastanza da la LR è da l'avis che la Regenza avess a basa da la lescha federala pus-saivladads da dar in sustegn supplementar a favur dal rumantsch e talian, senza suttametter in tal sustegn al referendum obligatori.

A chaschun da la radunanza da delegads dal december ha la LR presentà in program provisori cumplexiv per la «Scuntrada dal pievel rumantsch» a Savognin. – Cun ina instanza speziala a la Regenza en connex cun la revisiun totala da l'ordinaziun chantunala davart il stadi civil è l'integrazion dal rumantsch en art. 9 da questa ordinaziun vegnida postulada cun success.

## 11. Rapport dals collavuraturs regionalas

(en uffizi a partir dals 1.-9-1984)

### *1. Intschess da la Romania (Carli Scherrer)*

Visitau suandontas Suprastonzas communalas: Tujetsch, Medel, Mustér, Sumvitg, Trun, Breil, Rueun, Vella, Lumbrein, Vignogn, Vrin, Cumbel, Morissen, Degen, Glion, Laax, Schluein, Sagogn.

#### Referiu en caussa

Assimilaziun dils immigrants – muntada dil teater e dils usits ch'ein i en emblidonza – romontschar la fatscha dils vitgs – romontschar en general.

#### Fatscha dil vitg

Mia laver ha entschiet a Sumvitg. Dumandau las lubentschas da trer en offertas per romontschar las inscripziuns tudestgas. Procurau per offertas. Discussiunau ils detagls culs privats. La planisaziun dalla finanzaziun ei ussa (miez fevrer) fetg actuala. Ei tucca haver pazienzia e puder spitgar entochen che mintgin surpren sia part. La vischnaunca da Sumvitg supren sia part ed ei vidlunder da romontschar ils numbs «Somvix, St. Benedikt, Surrhein».

Breil: Aunc ein buca tuttas offertas ensemble. L'acziun ei meins avanzada che a Sumvitg. Breil, q. v. d. la vischnaunca, surpren medemamein sia part.

Tujetsch: Cun mistral Teofil Schmid ensemble hai jeu visitau gleiti tuts vischins che fan reclamas tudestgas. Las lubentschas per offertas ein avon maun e las offertas era per part. L'acziun ei meins avanzada che a Sumvitg.

## Acziun regiunala

Tablas per «Habitaziun da vacanzas» e «combras» ein repartidas en plirs vitgs e veggan vendidas. aschia a Sedrun, Mustér, Breil, Glion e Laax.

En preparaziun ein tablas per «Post samaritan», «Tener liber la sortida» e «parcadi privat». Quellas veggan repartidas els medems loghens per la vendita.

## Scolaziun da carschi

La scolaziun dils miradurs ei sin rucca e vegg scrett'ora. Organisau cuors d'assimilaziun ualts dapertut ed a Trun in cuors d'entagliar che ha giu grond success.

### *2. Intschess da l'UdG (Jacques Guidon)*

La lavur dal collavuratur regiunal es zuond variada e creativa, per cunter eir ün zich agitanta. Ils problems culs quals el vain confruntà sun fich variats e sun insè tuots prioritats. El stuvess dimena s'occupar d'els al listess mumaint. In quist cas exista il privel da transcurar üna o tschella pendenza. Ün oter ris-ch es quel ch'el craja da star suot squitsch da prestaziun.

I's tratta il prüm da metter ad ir ün büro organisà – scha mez e pus-sibel – efficaziamainaing.

Meis prüm intent es stat quel da propuoner a la suprastanza da l'UdG ün sistem da decasteris, per ch'eu possa trattar il prüm ün problem be cun ün singul suprstant e lura pür suottametter il problem, tantinavant elavurà, a l'intera suprastanza. Uschè as poja economisar temp. Eu pigl part a tuot las radunanzas da suprastanza (üna jada al mais) e par derdsch per part las fatschendas, suottamet propostas per acziuns, ediziuns, trattativas e. u. i. Schi veggan sancziunadas, schi prova da tillas realisar.

Cur ch'eu sun entrà in uffizi n'haja preschantà publicamaing mia lavur aint illa pressa ed in referats.

In üna tschantada extraordinaria culs cuvis n'haja provà da sclerir l'importanza da quist elemaint da l'infrastructura da l'UdG.

Davo am n'haja occupà da las seguaintas fatschendas:

- vendita da cudeschs (l'acziun «libraria ambulanta» ha gnü ün bun esit)
- «Scuntrada e Fuormaziun» (tschantada culs organisatuors da la scoulaaziun da creschüts da las subregiuns EB, EO, VM e Bravuogn)
- inscunter cun la gruppera per rumantschar la fatscha dals cumüns
- tschantada culs manaders da las bibliotecas popularas; tut incunter giavüschs per ediziuns da cudeschs
- partecipaziun a la dieta da laver da la «Gruppa rum. da Bravuogn»
- trattativas per ün ev. center cultural «Rablütta» a Scuol
- trattativas e cumanzà l'installaziun dal center da documentaziun, d'inscunter e da scoulaziun a Zernez
- prüms contacts cun autoritats cumünalas
- trattativas cul Fögl Ladin regard publicaziuns da l'UdG
- invià las prümas ediziuns previssas pel 85.

### *3. Intschess dalla Renania (B. Tscharner)*

#### Project per neologissembs agricols

Il settember, suenter il cuors d'introducziun dall'emprem'jamna, hai jeu continuau ina laver che steva già in temps sin rucca: l'elaboraziun da neologissembs per tablas davart la technica agricola.

Quei project vegn elavuraus vinavon dil Post da lungatg da la LR e duei esser terminaus el decuors da 1985.

#### Biblioteca a Donat

Mia laver d'animaziun culturala hai jeu entschiet cugl instradament dil project per ina biblioteca populara e scolara a Donat en Sutselva. La laver vi da quei project ei progredida tondanavon ch'ils plans e las calculaziuns ein elaborai, da maniera che la societad purtadra, l'Uniùn da scola Muntogna da Schons, vegn proximamein a prender las decisiuns necessarias.

## *Statistica*

Ina premissa per la laver dil CR ei l'enconuschentscha exacta dalla situaziun statistica e la structura demografica da siu intsches. Per quei intent ei vegnius elaboraus in questiunari che vegr repartius allas visch-nauncas e fuorma aschia ina basa da contact denter il CR e las autoritads communalas.

## *Fiestas regiunalas da commemoraziun: 2000 onns Retoromania*

Gia el decuors digl atun hai jeu saviu gudignar las uniuns culturalas dalla Sutselva, oravontut quellas da Schons, per l'organisaziun d'ina fiasta populara romontscha. Quella vegr ad haver liug ils 9–6–85 a Donat en Val Schons. Ei exista gia in program provisori da quella festividat. El decuors dil fevrer vegr constituiu in comité d'organisaziun, consistent da delegai da tuttas uniuns participontas e la Renania.

In'autra festividat sin territori dalla Renania vegr actualmein mess a strada a Flem. Quella vegr ad haver ina dubla commemoraziun: ins se-regorda dil billenari dil romontsch ed inaugurescha in monument dedicaus al pli grond poet e scribent renani, Gian Fontana.

L'intenziun d'omisduas festividats ei da scuffir in ambient romontsch, possibiliter alla populaziun romontscha ch'ei minoritara en quellas re-giuns da sepronunziar, da documentar la preschientscha savens ignorada dil romontsch e finalmein da scuffir structuras romontschas entras la fundaziun d'uniuns che s'occupeschan dil romontsch e cultiveschan el.

## *Scolettes / Scolas*

A Sched e Veulden setract'ei d'introducir ina scoletta romontscha sut circumstanzas disfavoreivlas. Ad Andeer vuless ins empruar da mantener la scoletta romontscha sut circumstanzas buca pli favoreivlas.

## *Scolaziun da carschi*

Entras las pusseivladads d'organisar dil post regiunal dalla LR/Renania eisi reussiu d'augmentar ils cuors d'assimilaziun egl intsches dal-la Renania.

Enta Schons dat ei per l'emprema ga in cuors da perfecziunament per romontschs.

Autrs cuors da carschi ch'ein era vegni purschi, han buc anflau ac-coglientscha.

#### *4. Intschess da l'URS (Reto Capeder)*

- Translaziun: Sarvetsch da pumpiers an Rumantsch grischun.
- Organisaziun e realisaziun digls curs d'assimilaziun, an differentas vischnancas surmiranas, per principiants ed avanzos.
- Scretg novas lecziuns per igl curs d'assimilaziun (curs 3).
- Frequento en curs per barats interregiunals a Locarno.
- Tarmess glistas da teater a tots presidents dallas uniungs.
- Vendita da codeschs an tottas vischnancas surmiranas.
- Vendita da cartas da Nadal, Bumang e gratulaziuns an las buteias localas.
- Contacto tots affars a Savognin per la rumantschaziun dallas inscripziuns.
- Contacto differentas suprastanzas/canzlists/presidents circuitals/pre-sidents d'uniungs/uniung turistica.
- Scretg adressas a firmas dalla Bassa per en sustign finanzial dallas inscripziuns rumantschas.
- Paragea temas per la scolaziun da carschias.
- Dumando varsaquantas persungas per surpiglier curs dalla scolaziun da carschias.
- Procuro differentas translaziuns per l'uniung turistica, schurmetg ci-vil, cassa da malsangs, program da concert.
- Sesia a tottas radunanzas dall'URS.
- Fatg part allas sedutas dalla cumischung da redacziun per la Pagina da Surmeir.
- Scretg tots protocols per l'organisaziun comite 2000 onns Retoromania.
- Contacto igl decan digl Tgapetel da Surmeir, ser Duri Loza ed oters plevants.
- Retschertgas digls teaters giuias ainten la regiung.

---

## Noss defuncts

En il decurs da l'onn da rapport ans han pliras prominentas personalitads dal moviment rumantsch bandunà per adina. Nus ans regurain en pia memorgia da quellas dunnas e quels umens ch'èn s'engaschads cun persvaziun ed anim, ch'han enritgnì noss stgazi cultural cun lur ovras e ch'han dà impuls decisivs per la lavur rumantscha.

Ch'els repaussian en pasch.

Chatrina Filli	(1915–1984)
Corina e Babigna Frizzoni	(1891 e 1895–1984)
Antonia Messmer	(1935–1984)
Pierin Ratti	(1904–1984)
Victor Sialm	(1901–1984)
Pieder Antoni Willi	(1906–1984)